



OPĆINSKI NAČELNIK

MUNICIPALITY MAYOR

Broj: 05/2-11/3-3665/26
Velika Kladuša, 12.1.2026. godine

Na osnovu člana 70. stav, člana 69. i člana 2. stav (1) tačka 1) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14 i 49/23) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku – Izvođenje radova na mašinskim instalacijama na JU Centar za kulturu i obrazovanje „Zuhdija Žalić“ Velika Kladuša, a po preporuci Komisije za javne nabavke, Općinski načelnik Općine Velika Kladuša, donio je

ODLUKU
o dodjeli ugovora

1. Prihvata se ponuda ponuđača **DOLA d.o.o. Cazin**, sa konačnom cijenom od 394.147,50 KM bez uračunatog PDV-a, dostavljena Ugovornom organu po JN broj: 299-1-3-115-3-203/25 od 18.12.2025. godine, te se Ugovor o javnoj nabavci - Izvođenje radova na mašinskim instalacijama na JU Centar za kulturu i obrazovanje „Zuhdija Žalić“ Velika Kladuša, dodjeljuje imenovanom ponuđaču.

2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.

3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

Obrazloženje

Na osnovu odluke Općine Velika Kladuša broj: 05/2-11/3-3665/25 od 18.12.2025. godine, pokrenut je dana 18.12.2025. godine na Portalu JN broj: 299-1-3-115-3-203/25 postupak nabavke - Izvođenje radova na mašinskim instalacijama na JU Centar za kulturu i obrazovanje „Zuhdija Žalić“ Velika Kladuša.

Javna nabavka provedena je putem otvorenog postupka za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: 299-1-3-115-3-203/25 objavljeno je na Portalu javnih nabavki (ejn.gov.ba), dana 18.12.2025. godine. Procijenjena vrijednost nabavke iznosi : 394.512,80 KM.

Krajnji rok za dostavljanje ponuda bio je 9.1.2025. godine do 12:00 sati, a javno otvaranje ponuda izvršeno je 9.1.2025. godine u 12:15 sati, što je kostatovano Zapisnikom sa otvaranja ponuda od 9.1.2025. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-3665/25 od 9.1.2026. godine konstatovala je da je Tendersku dokumentaciju preuzelo 23 (dvadesettri) ponuđača, a da su nakon isteka krajnjeg roka za dostavljanje ponuda za nabavku - Izvođenje radova na mašinskim instalacijama na JU Centar za kulturu i obrazovanje „Zuhdija Žalić“ Velika Kladuša, pristigle 4 (četiti) ponude od strane ponuđača i to:

1. **„KGH PROJEKTOVANJE“ d.o.o. Nova Topola** sa cijenom od 388.782,90 KM bez PDV-a,
2. **„DOLA“ d.o.o. Cazin** sa cijenom od 394.147,50 KM bez PDV-a,
3. **„MONTING“ d.o.o. Bosanaska Krupa** sa cijenom od 393.713,53 KM bez PDV-a,

4. „Grupa ponuđača koju predvodi lider grupe „INTER - COM“ d.o.o. Zenica sa cijenom od 394.467,50 KM bez PDV-a

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponuda ponuđača: DOLA d.o.o. Cazin, ispunjava formalno - pravne i tehničke zahtjeve Ugovornog organa, te je kao takva prihvatljiva.

Ponuđači čije ponude se odbijaju na osnovu rezultata pregleda i ocjene ponuda :

Ponuđač KGH PROJEKTOVANJE d.o.o Nova Topola u ponudi nije dostavio:

- licencu za izvođenje radova visokogradnje – mašinske instalacije izdane od nadležnog ministarstva na području FBiH,
- listu zaposlenih lica kako je to propisano tačkom 5.3.2 Tenderske dokumentacije,
- ponuda ponuđača nije uvezana i numerisana u skladu sa tačkom 6.1.6. Tenderske dokumentacije,
- garancije iz tačke 7.3,7.4 i 7.5 Tenderske dokumentacije

Shodno navedenom, ponuda ponuđača KGH PROJEKTOVANJE d.o.o Nova Topola sukladno sa članom 2. Zakona o javnim nabavkama BiH se smatra nepravilnom.

Grupa ponuđača koju predvodi lider INTER-COM d.o.o Zenica uz ponudu nije dostavio:

- ovlaštenje/licencu nadležnog ministarstva za izvođenje radova visokogradnje – mašinske instalacije (sistema za grijanje, oprem i vodova za ventilaciju, klimatizaciju i hlađenje -KGH) kako je to propisano tačkom 5.3.2. Tenderske dokumentacije. Dostavljena je licenca za predstavnika grupe ponuđača za izvođenje specifičnih radova na građevini – završni radovi u građevinarstvu, vodoinstalaterski radovi i instalacije grijanja. Dostavljena licenca/ovlaštenje nije u skladu sa tačkom 5.3.2. Tenderske dokumentacije, jer se ista odnosi samo na instalacije grijanja, ali ne i na KGH instalacije.

Shodno navedenom, ponuda Grupa ponuđača koju predvodi lider INTER-COM d.o.o Zenica sukladno sa članom 2. Zakona o javnim nabavkama BiH se smatra nepravilnom.

Ponuđač MONTING d.o.o. Bosanska Krupa nije:

- propisno dostavio garanciju za ozbiljnost ponude i uvezao u skladu sa tačkom 7.3.3. Tenderske dokumentacije.

Shodno navedeno, ponuda ponuđača MONTING d.o.o. Bosanska Krupa sukladno sa članom 2. Zakona o javnim nabavkama BiH se smatra nepravilnom.

E-aukcija koja je predviđena u ovom postupku javne nabavke se neće održati, budući da je u krajnjem roku za dostavljanje ponuda pristigla samo jedna prihvatljiva ponuda.


Shodno navedenom, Komisija za javne nabavke u svom Izvještaju o radu Komisije Zapisnik broj: 05/2-11/3-3665/25 od 9.1.2026. godine dala je Općinskom načelniku preporuku da donese Odluku o dodjeli ugovora za javnu nabavku - Izvođenje radova na mašinskim instalacijama na JU Centar za kulturu i obrazovanje „Zuhdija Žalić“ Velika Kladuša, sa konačnom cijenom od 394.147,50 KM bez PDV-a, kao najpovoljnijem ponuđaču, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i Općih akata.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao


prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:


Aida Čerimagić

Kontrolisao:

Pomoćnik Općinskog načelnika
za finansije, računovodstvo i
javne nabavke


Sebila Dervić Melkić


OPĆINSKI NAČELNIK

Boris Horvat

DOSTAVITI:

1. Učesnicima u postupku, 4x,
2. Služba za upravu, društvene djelatnosti i zajedničke poslove (web stranica),
3. U spis.